

Қазақстан Республикасының Үкіметі мен Қытай Халық Республикасы Үкіметінің арасындағы зертханалық жабдықтарды ұсыну туралы келісімге қол қою туралы

Қазақстан Республикасы Үкіметінің 2017 жылғы 7 маусымдағы № 346 қаулысы

Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Қазақстан Республикасының Үкіметі мен Қытай Халық Республикасының Үкіметі арасындағы зертханалық жабдықтарды ұсыну туралы келісімнің жобасы мақұлданды.

2. Қазақстан Республикасы Премьер-Министрінің орынбасары – Қазақстан Республикасының Ауыл шаруашылығы министрі Асқар Исабекұлы Мырзахметовке Қазақстан Республикасының Үкіметі мен Қытай Халық Республикасы Үкіметінің арасындағы зертханалық жабдықтарды ұсыну туралы келісімге қағидаттық сипаты жоқ өзгерістер мен толықтырулар енгізуге рұқсат бере отырып, Қазақстан Республикасы Үкіметінің атынан қол қоюға өкілеттік берілсін.

3. Осы қаулы қол қойылған күнінен бастап қолданысқа енгізіледі.

*Қазақстан Республикасының
Премьер-Министрі*

Б. Сағынтаев

Қазақстан Республикасы
Үкіметінің
2017 жылғы 7 маусымдағы
№ 346 қаулысымен
мақұлданған

Жоба

Қазақстан Республикасының Үкіметі мен Қытай Халық Республикасының Үкіметі арасындағы зертханалық жабдықтарды ұсыну туралы келісім

Қазақстан Республикасының Үкіметі мен Қытай Халық Республикасының Үкіметі (бұдан әрі – Тараптар)

екі мемлекет арасындағы достық қарым-қатынастарды және техникалық-экономикалық ынтымақтастықты әрі қарай дамыту мақсатында төмендегілер туралы келісті:

1-бап

Қазақстан Республикасы Үкіметінің сұрауы бойынша Қытай Халық Республикасының Үкіметі Қазақстан Республикасының Шығыс Қазақстан облысында сапаны инспекциялау зертханасы үшін жабдықтарды Қазақстан Республикасына өтеусіз негізінде беруге (бұдан әрі – жоба) ниет білдірді.

2-бап

Қазақстан Республикасының Үкіметі мен Қытай Халық Республикасының Үкіметі бірлесіп жобаны іске асыру мүмкіндігін зерделеуге және кейінгі нақты шараларды айқындауға ниетті.

3-бап

Осы Келісім қол қойылған күнінен бастап күшіне енеді және Тараптар осы Келісімнен туындайтын барлық міндеттемелерді орындағанға дейін қолданылады.

2017 жылғы "____" маусымда Астана қаласында әрқайсысы қазақ, қытай және орыс тілдерінде екі данада жасалды.

Қазақстан Республикасының

*Қытай Халық Республикасының
Үкіметі үшін Үкіметі үшін*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК